




ՍՈՒՐԲ ԾՆՆԴՅԱՆ ՀԱՆԴԻՍՈՒԹՅՈՒՆՆԵՐԸ ՄԱՅՐ ԱԹՈՌՈՒՄ

Հունվարի 5-ին, կիրակի.— ԾՐԱԳԱԼՈՅՑ ԾՆՆԴԵԱՆ ԵՒ ԱՍՏՈՒԱ-
ԾԱՅԱՅՏՆՈՒԹԵԱՆ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ:

«Այսօր տօն է Ս. ԾՆՆԴԵԱՆ, աւետիս,
Տեառն մերոյ և յայտնութեան, աւետիս»:

Սրբազան տաղերգոյի այս գեղեցիկ ավետիսով խորհրդավոր հանդի-
սութեամբ ավետվում է մեր տիրոջ՝ Հիսուս Քրիստոսի հրաշափառ Ծնունդը:

Ավելի քան 17 դարեր Հայ Առաքելական Եկեղեցին մեծ շուքով և հան-
դիսավորութեամբ է տոնում Քրիստոսի Ծնունդն ու Հայտնությունը:

Այս տարի ևս, օրվա մեծ տոնի առիթով, երեկոյան ժամը 17-ին, Մայր
տաճարում տեղի ունեցաւ «Ծաշու» և «Երեկոյան» հանդիսավոր ժամերգու-
թյուններ:

Ամեն տարի հայ հավատավոր ժողովուրդը այդ խորհրդավոր երեկո-
յան ուխտի է եկել Ս. Էջմիածին՝ հաղորդակից դառնալու սրբազան արա-
րողություններին, ջերմեռանդ աղոթելու՝ Հայոց աշխարհի խաղաղության
և անասանության համար:

Երեկոյան, հանդիսավոր թափօրով, Մայր տաճար է առաջնորդվում
Վեհափառ Հայրապետը: Սկսվում է Ծրագալույցի ա. պատարագը: Ավագ
ա. խորանի վրա սուրբ և անմահ պատարագ է մատուցում Ս. Հռիփսիմե
վանքի վանահայր գերշ. Տ. Անանիա եպս. Արաքաջյանը:

Հավարտ ա. պատարագի Վեհափառ Հայրապետի նախագահութեամբ
կատարվում է Ս. ԾՆՆԴԵԱՆ նախատոնակի կարգը:

Սրբազան արարողությունից հետո եկեղեցական թափօրը «Քրիստոս
ծնաւ և յայտնեցաւ» ու «Խորհուրդ մեծ եւ սքանչելի» շարականների եր-
գեցողութեամբ Վեհափառ Հայրապետին առաջնորդում է Վեհարան, ուր
Մայրավանքի միաբանությունը Հայոց Հայրապետին շնորհավորում է Ս.
ԾՆՆԴԵԱՆ մեծ տոնի առիթով:

*
*
*

Հունվարի 6-ին, երկուշաբթի.—ՏՕՆ ԾՆՆԴԵԱՆ ԵՒ ԱՍՏՈՒԱԾԱՅԱՅՏ-ՆՈՒԹԵԱՆ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ:

Այսօր Մայր տաճարում տոնական ժամերգությունից հետո, ժամը 11-ին, սկսվում է ա. պատարագը:

Օրվա մեծ տոնի առիթով Մայր տաճարում, Ավագ ա. խորանի վրա, հանդիսավոր ա. պատարագ է մատուցում Մայր Աթոռի դիվանապետ գերշ. Տ. Ներսէս արքեպս. Պողոսպալյանը:

Մայր տաճարի զանգերի ավետաբեր դողանջների ներքո հնչում է Ա. Ծննդյան բերկրալի ավետիսը՝ «Քրիստոս ծնաւ և յայտնեցաւ» մեղեդին: Հավատացյալների և ուխտավորների խունեքամ բազմությունը հոգևոր ուրախության ու ցնծության պահեր է ապրում:

Ավագ ա. սեղանի առաջ, ատյանում, ա. պատարագին ներկա են Հայաստանի Հանրապետության նախագահ տիար Լևոն Տեր-Պետրոսյանը, փոխնախագահ, վարչապետ տիար Գագիկ Հարությունյանը, Հայաստանի խորհրդարանի նախագահ տիար Բաբկեն Արարքցյանը և պաշտոնական այլ անձինք:

Պատարագի սրբազան արարողությունը Երևանի հեռուստատեսությամբ, ուղիղ եթերով, սփռվում է մեր հանրապետության ողջ տարածքում:

Հավարտ ա. պատարագի Վեհափառ Հայրապետը հավոր պատշաճի բարոզ է խոսում՝ շնորհավորելով բովանդակ հայության, որ ի Հայաստան և որ ի Սփյուռն աշխարհի, Նոր տարվա և Ա. Ծննդյան տոնը: Այնուհետև Նորին Սրբության նախագահությամբ, Ավագ ա. խորանի վրա, կատարվում է Զրօրհնյաց հանդիսավոր արարողությունը՝ ոգեկոչելով հիշատակը Ա. Հովհաննես Մկրտչի ձեռքով Հորդանան գետում Հիսուս Քրիստոսի մկրտությունը:

Ապա Հայոց Հայրապետը եկեղեցական թափորով առաջնորդվում է Վեհարան, ուր օրվա մեծ տոնի առիթով Նորին Սրբության կողմից տրվում է ճաշկերույթ, որին մասնակցում էին Մայրավանքի միաբանությունը, Գերագույն Հոգևոր Խորհրդի անդամները և Մայր Աթոռի պաշտոնեությունը:

Ծաշկերույթին ներկա էին Հայաստանի Հանրապետության նախագահ տիար Լևոն Տեր-Պետրոսյանը, փոխնախագահ, վարչապետ Գագիկ Հարությունյանը և խորհրդարանի նախագահ Բաբկեն Արարքցյանը:

Վեհափառ Հայրապետին, Հայաստանի նախագահին և ներկաներին Ա. Ծննդյան տոնի առիթով շնորհավորական խոսք է ասում Մայր տաճարի լուսարարապետ գերշ. Տ. Հուսիկ արքեպս. Սանթրուքյանը:

Այնուհետև փոխադարձ շնորհավորանքի և բարեմաղթանքի խոսքեր են ասում Հայաստանի Հանրապետության նախագահը և Վեհափառ Հայրապետը: